

Beberapa Aturan Adat .

Luak Jemrol

Beberapa Aturan Adat

Luak Jempol

Pesaka Adat Kaya Menter

Datok Kaya Menter Said Jempol ialah pada ini disandang oleh Ujang bin Dahat, waris biduanda daripada tahun enam belas haribulan empat, tahun seribu sembilan ratus enam puluh empat. Kerjanya dalam adat ialah buapak yang beranakbuah besar pesaka dalam waris biduanda, pegawai sembilan puluh sembilan dalam istana, pemerhati keadaan lembaga yang dua belas dalam segi adat, pelapik dada pada lembaga, sampan pelayang pada undang, kuda pelajang pada keadilan. Pakaiannya baju hitam, seluar hitam, daster hitam, samping sebarang warna. Istimewanya sama dengan lembaga dalam adat tapi istiadatnya tujuh ringgit kurang dua puluh sen pada lembaga. Inilah yang saya terima pada Penghulu Luak Jempol pada masa itu, Haji Sulaiman bin Lela Raja Abdullah dibawakan oleh duka Tuan Ismail b. Haji Abdul Rahman dan waris tua Abdul Rauf bin Arifin beserta Soko-Soko semua.